

普賢行願品十大願王

00756

溫州市圖書館



0742

普賢行願品十大願王

善志仙署

永嘉夢華廬印贈

溫州府圖書館藏




3250000754982

11435960

西域相傳云：普賢行願讚，為略華嚴經；大方廣佛華嚴經，為廣普賢行願讚。是編大旨，亦本普賢行願品，約而言之。乃諦閑法師在永嘉佛教會演述，不慧隨筆記之。篇幅雖少，辭簡義賅，可為研習華嚴者之津樑。當時會中付刊，以請閱者衆，分送已罄，僅留此編。光陰迅速，忽忽閱十六載矣。是歲適不慧年屆耳順，欲留紀念，用特重印是編千部，以廣結法緣云爾。

中華民國二十九年歲次庚辰秋七月

蓬仙識



1143290

中華民國二十六年
吳縣縣志

卷之四

論志之體裁

吳縣志不襲 半因耳取，於 縣志，用特重也吳縣千疇，以黃

香泉，公庭日暮，勤習此職。光劍近整，感念閱十六疇矣。

緝聞羨類，可為稱習華風者之 事。當執會中付汗，以請閱

凡諸聞我朝亦不嘉對終會獻粒，不 刻筆時之。論詞雖少，

無黃晉贊計願齋。吳縣大旨，亦本晉贊計願品，然而言之。

西嶽昧軒云：晉贊計願齋，為 華風整；大古黃對華風整。

普賢行願品十大願王

甯波觀宗寺諦閑法師述 姑蘇不可信不可信。

永嘉居士江蓬仙記錄 會合太盡則量釋去界。

釋題 此品從華嚴經中來，原名為大方廣佛華嚴經入不思議

解脫境界普賢行願品。初七字為經題，間又以大方廣

佛華嚴為別題，經為通題。

初釋別題：一、大方廣三字，是一經之體，理經也。佛是教經，華嚴是

行經。初言大方廣是理經者，理即衆生之心，亦即十方諸佛

之心。生心佛心無二心故。香。野鳴衆主之心。衣鳴十式諸制
「大」以當體得名，是絕待的，非對待的。何爲對待，譬如
杯而比一室，一室比一社會，一社會比一國，一國比一四天
下乃至虛空之大，是有所較量，爲對待大。至若絕待大，以
常徧爲義，常則豎窮三際，徧則橫滿十方，是爲自心之體。
原來是大，非對小而言大。譬問人心安在，則曰心在體內，
是誤以妄想作心，不知吾人之心體，包含太虛，量窮法界，
實是無窮無邊的。心體既離過絕非，故稱不可說不可說。
「方」以就相得名，軌持爲義，軌則軌生物解，持則任持自

性。非對圓之方，是直指十方之方，乃自心之相，方亦豎窮橫徧者也。

「廣」以從用得名，包博爲義，包則廣容，博則普徧。如一念止惡，能絕三途苦因，一念揚善，便爲人天妙用，故知自心之用大。心體既豎窮橫徧，心相亦豎窮橫徧，其作用亦復如是。大方廣三字，已將自心和盤託出，唯從略說，若廣說者，何止於此，可參觀大乘起信論體相用便了然也。

「佛」以就人得名，覺照爲義，覺則悟大夜之重昏，照則朗萬法之幽邃。吾人在迷故不覺。若覺自心如是大，如是方，

如是廣，不向外求，一念之下，識得自心，名爲自覺，是理
卽大方廣；若將大方廣對人宣說，令人入於耳根，名爲覺他
，是名字卽大方廣；從茲念念返照，是觀行卽大方廣；觀行
功深，任運脫四住煩惱，是相似卽大方廣；豁破一品無明，
乃至四十一品，是分證卽大方廣；了二種生死，窮無明源，
究竟證得大方廣三字受用，卽證菩提，是究竟卽大方廣。
「華」以從喻得名，感果嚴身爲義。感果則萬行圓成，如桃
李華，先華後果。嚴身則衆德徧體，如金玉華，俱有嚴身義
。故華者喻因也，非僅僅爲人天小果有漏之因，凡一切行門

，皆從衆生中修。所謂諸佛解脫，當於衆生心行中求，十方衆生有苦，卽自心苦，我有一分樂，與得衆生一分樂。譬見窮人，以同體大悲故，爲憐愍故，我以財施，願與法界衆生同登極樂淨土。卽如諸佛如來一切福慧，都從此修，諸佛如來所修六度，亦不外是福是慧，福足慧足，稱兩足尊。又「嚴」以功用得名，資莊爲義，資則資廣大之體用，莊則莊眞應之佛身。因爲能嚴，果能所嚴，卽因果之總相。經云不可以少善根福德因緣得生彼國，又云若有善男子善女人，聞說阿彌陀佛執持名號，吾人有善根者，持阿彌陀佛萬德洪名

，卽召阿彌陀佛之萬德莊嚴自身，此卽福慧雙修法門。其
初釋「大方廣佛華嚴」別題竟，次釋通題：「良于善女人，聞
一經」者路也，彌陀經乃出生死大路，大方廣佛華嚴經，乃
明心見性之路也。華嚴會上十住十行十迴向十地四十位，皆
從自心修福修慧，循序漸進。華嚴經中漸漸放小接人，以十
一卷經爲衆生開發信門，四十一卷經爲衆生開發解門，七卷
經爲衆生開發行門，二十一卷經爲衆生開發證門。一部經不
出信解行證四門，此乃能詮之教。其次所詮之義，亦有四分
，四分者：一舉果勸樂生信分，二修因契果生解分，三託法

進修成行分，四依人證入成德分。到願未生，十念普皆回向。
上釋經題竟，次釋「入不思議解脫境界普賢行願品」。十念
「不思議」者，言非思想言論所及也，譬眼見耳聞舌味鼻嗅
手捉足奔，皆爲吾人心可思惟，口可言說，此之謂可思議。
若心不可思，口不能言者，是爲不思議。禮自五部白云，
「解脫」謂此心自在，解除一切塵累，譬眼不見色塵，耳不
聞聲塵，鼻不嗅香塵，舌不嘗味塵，手足不接觸塵。六根對
於六塵離却作用。回光返照，本性當體顯現，是爲解脫。
「境界」即眼之所見，耳之所聞，一切境界，悉是自心所現

，我識所變。若論豎窮橫徧，是心之自相，卽我識依他起故，變成無邊刹海，雖云極大，皆爲境界。普賢菩薩欲人人入此「不思議解脫境界」，故發十大行願，使人人明知大方廣佛華嚴，當然在我自心。若不入此境界，不得稱普賢行願。願本是行，行卽是願。對自己進修曰行，望他人同行曰願。所謂十種行願者，一爲禮敬諸佛，二爲稱讚如來，三爲廣修供養，四爲懺悔業障，五爲隨喜功德，六爲請轉法輪，七爲請佛住世，八爲常隨佛學，九爲恆順衆生，十爲普皆回向。

此十大願王，皆稱性所起，故一一都云，盡十方，徧法界，極微塵數，約橫論也。又一一皆云，衆生界盡，衆生業盡，衆生煩惱盡，此十大願終無有盡，約豎論也。第一大願「禮敬諸佛」，普賢菩薩，自己禮敬諸佛，是爲行，希望大衆各各禮敬諸佛，是爲願。行與願，二而一一而二也。禮敬諸佛者，卽俗稱拜佛。普賢菩薩拜佛，欲人人皆如彼拜佛。普賢菩薩所禮敬者，盡法界徧虛空諸佛，皆是當人自心之佛。佛者覺也，自覺覺他。自覺我身根前有諸佛，諸佛前皆有

我身。是故一一塵刹中皆有佛，一一佛前皆有普賢，一一普
 賢皆悉合掌禮拜。則一普賢之身，徧入一切普賢身內，一切
 普賢，皆攝歸一普賢身內。蓋以行願力故，深心信解，如對
 目前。大經云：一切法無生，一切法無滅；若能如是解，諸
 佛常現前。各各野婦請佛，其意願之。二而一而二
 一諸一者不一之稱，此界彼界，十方三世一切佛，故謂之諸
 佛，過去佛爲已成之佛，未來佛卽在目前，現在我們大衆，
 人人皆是，何以故，一切衆生，皆有佛性故。衆生業盡，
 一禮敬一者，由心恭恭敬敬，運於身口，而徧行禮拜。不然

，謂之慢拜。身雖拜跪，口雖持名，而心則重重妄想，是名
 爲禮拜，實則功德微少。普賢行願，除我慢障，必起敬意，
 統身語業。以身業敬者，爲顯佛有天耳通故；以語業敬者，
 顯佛有天耳通故；以意業敬者，顯佛有他心通故。常修禮敬
 ，一心不亂，五體着地，深入法性，離能所相。卽說偈曰，
 「能禮所禮性空寂，感應道交難思議，我此道場似帝珠，阿
 彌陀佛隱現中，我身隱現彌陀前，頭面接足歸命禮」。是則
 內佛外佛，同一實相，隨一一禮，若佛若禮，重重無盡。
 上言法界卽我自心，我心卽法界，我欲禮敬諸佛，須先放下

萬念，清清淨淨，在一拜中，一面觀想一面念，「一心頂禮
本師釋迦牟尼世尊及十方三世一切諸佛，又「一心頂禮西方
安樂土大慈大悲阿彌陀佛及十方法界常住諸佛」。經云，憶
佛念佛，現前當來，必定成佛。吾人心中憶佛，名爲修慧，
身跪口念，名爲修福。福慧雙修，則禮敬之事畢矣。普賢如
是禮敬，卽爲普賢行願。普賢不在外求，而在各人心中求，
普賢乃衆生心中之普賢，衆生乃普賢心中之衆生。普賢心，
釋迦心，衆生心，菩薩心，無二無別。以心體同故。行普賢
，願亦普賢，行非普賢，願亦非普賢。推言之，心向諸佛如

來，我心卽諸佛如來，心不向諸佛如來，我心卽非諸佛如來。何以故，是心是佛，是心作佛，普賢禮敬諸佛，是普賢行，是普賢願。我禮敬諸佛，是我行，是我願。

或曰，拜佛誰不能拜，雙手合掌，兩足着地，何難之有。殊不知無心拜佛，狀若舂米，拜如不拜，微有利益。必也內存至誠，使身口意三業統一，如此拜佛，則感應道交，不可思議。山僧從前最喜拜佛，因庚申年六十三歲患痰濕入筋絡病，不能坐立跪拜，但作觀想禮佛。後因體力漸衰，或起立爲難，不行跪拜，而行坐拜，心中觀想，若對西方三聖，恭恭

敬敬，與跪拜無異。卽如吾人旅行在舟車中，或病臥床榻上，不能身向西方，皆堪作觀拜跪，如對西方佛前而禮敬之。此皆拜佛法門，依此實行，功德無量。否則，粗心慢拜，功德卽少。何以故，我心恭敬則佛心顯，不恭敬則妄想多，妄想乃衆生心，非佛心也。

第二大願「稱讚如來」一稱「謂稱述，又「讚」謂讚揚，稱述聖德，讚揚其美，卽稱揚讚歎之謂也。如如者，如如不動，妙道圓融，卽自心不生不滅之體，湛然寂照，互古今而不變。

「來」者，去來也，卽謂如如不動之體，無去無來，能去能來。「如來」卽佛，佛爲通號，意取三覺圓備義。如來亦通號也，謂後佛出世，如同先佛再來故。義翻爲覺，覺者不迷之謂，言宇宙萬物，本來不迷，柳綠花紅，鴉啼雀噪，皆宇宙真理之所顯現，唯衆生不能覺迷耳。若一旦轉迷成覺，卽能見宇宙之真理與萬法，無不與我妙合。蓋宇宙萬法爲法身如來；萬法妙合之我，爲報身如來。卽宇宙之真理爲法身，其感得者爲報身。而感得此真理應衆生之機根，出現於世以示說者，爲應身如來。此法身報身應身三者謂之如來三身。

三身同一真理，不過以其體爲法身，以其相爲報身，以其用爲應身，卽大方廣之體相用也。釋迦如來，能應用其所感得之真理，而現三身；隨機說法，本爲應身，因說法而現千丈盧舍那如來報身，在華嚴會上，現毗盧遮那如來法身。三身雖分而實一，蓋離法身無報身，離報身無應身，見法各異，而其所歸一也。本來不生，而能生，卽法身，卽報身，卽應身，卽法身。卽法身也。緣因十方三世一切諸佛，皆具三身。而衆生一身，亦當具足三身。何以故，有一正緣了。三因故。正因卽法身，如涅槃經云，一切衆生悉具佛性，如來常住而不變易。卽法身也。緣因

卽應身，如勸大衆念佛，拜佛，聽經，功行圓滿，卽應身也。
。了因卽報身，如大衆聽經，句句入耳了解，卽報身也。
上述正緣了三因之果，次重宣如來三身之義：金剛經云，如
來者，卽諸法如義；又云，無所從來，亦無所去，故名如來。
。是爲法身如來。佛頂經云，性眞常中求於去來了不可得。
轉法輪經云，第一義諦名如，正覺名來。佛頂經云，明極卽
如來。是爲報身如來。成實論云，乘如實道，來成正覺，故
名如來。佛頂經云，自覺已圓，能覺他者，如來應世。是爲
應身如來。

以上列舉如來名義，今說當體如來。即諸佛與衆生同爲清淨法身，清淨法身，原係自性天真佛，以人人悉具佛性，即心即佛，是心作佛故，又行種種功德及禮拜，莊嚴清淨法身。至若報身，其受用有二：一爲自受用報身，一爲他受用報身。介紹報身者，則爲應身，入九法界，各各差別，分身度脫。地藏經云，或現男子身，或現女人身，或現天龍身，或現神鬼身，或現山林川原河池泉井，利及於人，悉皆度脫。或現天帝身，或現梵王身，或現轉輪王身，或現居士身，或現國王身，或現宰輔身，或現官屬身，或現比丘，比丘尼，優

婆塞，優婆夷身，乃至聲聞羅漢辟支佛菩薩等身，而以化度，非但佛身，獨現其前。

稱讚法報應三身如來，偈曰：「天上天下無如佛，十方世界亦無比，世間所有我盡見，一切無有如佛者」，又讚法身如來偈云：「清淨妙法身，湛然應一切」，讚報身如來偈云：「阿彌陀佛身金色，相好光明無等倫，白毫宛轉五鬚眉，紺目澄清四大海，光中化佛無數億，化菩薩衆亦無邊，四十八願度衆生，九品咸令登彼岸」，讚應身如來偈云：「堂堂黃金相，巍巍不動尊，天上與人間，無不咸恭敬」。此卽具前

禮敬之中，以身業禮，以口業讚，以意業敬，是則名爲三業供養。法身如來如遮那，報身如來如彌陀，應身如來如釋迦等，皆以德彰名。我之稱揚讚歎，卽頌如來之萬德洪名，但釋家讚佛偈甚多，不勝枚舉，亦視讚者之功行何如耳。或唱或念，其功德都不可思議，茲姑舉一方便法門，無論男女老幼，人人能讚，卽念南無阿彌陀佛六字是。念彌陀雖爲稱讚彌陀，卽對於十方世界諸佛，我能以一念讚盡。何以故，十方世界一切淨土，總攝於西方極樂淨土，念西方佛，卽念十方佛也。

第三大願「廣修供養」所供之境，有豎有橫，豎則指過去現未三世一切佛，橫則言盡法界徧虛空十方一切佛。普賢菩薩修行，無論三世十方一切諸佛，悉皆供養，願亦如是。至所供養者，究用何物，不外乎財供養與法供養。初釋「財供養」人以自己無金錢，即不能行此供養。然外財供養用金錢，而內財供養不用金錢。法華經云，用身口意三業恭敬供養。即禮拜讚歎供養，是爲豎供養。若出門隨時隨處供養，爲橫供養也。至於外財供養，有財當施。有財不施，是名慳貪，爲生死根，吾人慳貪之心一起，即反對慈悲，

則背宇宙布施之妙用矣。修行者，具大慈悲心故，隨緣施捨，盡心供養，卽一香一華，亦稱理成就。有偈曰，「願此香華雲，徧滿十方界。供養一切佛，菩薩二乘僧」。供養過去佛若釋迦如來，供養未來佛若彌勒如來，唯現在無佛時代，從何供養。卽十六觀經云：「孝順父母，奉侍師長」，願吾人對於生我父育我母，必孝必順；對於師長，服勞奉養；至如女子之嫁也，對於公婆，克盡婦道，殷勤待奉。是皆供養現在佛也。倘不供養家中活佛，將供養何人，近佛不拜，遑論遠佛，是皆吾人所當注意者也。卽如現前大衆當體有成佛

性，特未修耳。修則遲早必定成佛，人人皆是未來諸佛。知此則彼此謙恭，道德相尚，乃真實共和平等，無結內排外，貴自賤他，不爲名利臣奴，不隨潮流胥溺，故佛法最適於今日之共和時代。但修行之人，不僅對人類而禮敬之，供養之，即牛羊犬豕等衆生，亦以戒殺放生爲重。何以故，一切衆生具佛性故，當來必定成佛故，即恭敬供養未來諸佛故。如是供養，緣慈悲心起，慈悲心，可拔一切業障根本，隨地隨時，修此供養，是名廣修供養。

次釋「法供養」如法師說正法以轉迷啓悟爲主旨，衆生在迷

，法師本慈悲心，爲開衆生覺路故，用法布施，卽以法供養法界衆生也。然法師既能以法供養，非法師亦可修此供養，卽以南無阿彌陀佛六字萬德洪名，逢人卽勸，逢人卽念，亦可爲法供養也。凡廣修供養者，對於財法二施，均由小至大，先勸一家，由一家及他家，從一方及十方。其實普賢緣性起修，一字一句，周徧法界。知佛法者，無待贅述。

第四大願、「懺悔業障」業障不懺悔，則廣供不廣供，讚嘆不讚嘆，禮敬不禮敬，皆爲業所障。如說入苦，從苦入苦，在睡眠中，夢想顛倒。早起則妄想愈多，殆被業障所牽耳。

總之善業少而惡業多，惡業何來，皆從心造，心能止惡，心能修善。吾人所以行善惡者，皆以身、口與意二者之故，謂之身業口業意業。此三業正，則善自然而修，惡自然而止；此三業不謹，則惡事乃成。所謂成惡事者，身三口四意二：身二者，即殺生偷盜邪淫是，皆由身所成之惡業也；口四者，即妄語綺語惡口兩舌是，皆由口所作之惡業也；意三者，慳貪瞋恚邪見是，此由貪瞋癡三毒而成，爲一切惡業之本也。由三業而造出十惡。止此十惡，而守不殺生，不偷盜，不邪淫，不妄語，不綺語，不惡口，不兩舌，不慳貪，不瞋恚

，不邪見之十戒，是爲十善。吾人作惡當墮惡道，行善則功德無量，當生善道。如作上品五逆十惡者，感地獄道身；作中品五逆十惡者，感畜生道身；作下品五逆十惡者，感餓鬼道身。殊不知善業障心，難出三界，作下品十善者，感修羅道身；行中品十善者，感人道身；單修上品十善，得生四天王天及忉利天宮；修上品十善兼坐未到定，得生欲界空居四天，色界四禪十八天。初禪三天，難逃火災，二禪三天，猶遭風災，四禪九天，無雲福生廣果三天，凡夫住處，修禪者得生其中；無想天，外道所居

；無煩，無熱，善見，善現，色究竟五天，第三果居處；未得四果，尚有分段生死。以上十八天，離欲麤散，未出色籠，故名色界。上來三途是惡業，欲界六天是善業，色無色界是不動業，此三種業，皆能障心，均不免爲死牢籠，所以云三界皆苦，無一可樂。若要超出三界，實難之難，是故勸他念佛不肯念，求生淨土不肯求，頭出頭破，生生死死，輪迴六趣，無有盡期。古德云，萬般皆是苦，唯有業隨身。或言我一生皆行善事，何業障之有。獨不知無始以來，從身語意所生一切業障，誠難覩述。故行願品云：若此惡業有體相，

盡虛空界，不能容受。吾人既有業障，必當早求懺悔，懺者
懺其前愆，悔者悔其後過。然懺悔之法亦多端矣，念南無阿
彌陀佛，亦懺悔之最好法門。經云，念佛一聲，能滅八十億
劫生死重罪。又云，拔一切業障根本，得生淨土陀羅尼。故
人能念佛持咒，則業障自除，事理自然明了。若生從糊塗來
，死隨糊塗去，如何是好。但生者已生，死時當求正念分明
，欲求正念分明，須要至誠懇切，用身語意三業懺悔，蓋因
自己一切業障，從三業來，亦當從三業去也。奉勸大眾信得
真，願得切，老實念佛，橫超三界，帶業往生，無論利根鈍

根，業輕業重，但肯信願持名，無不往生極樂。故古德偈云：
六欲諸天受五衰，二禪尚自有三災，假饒修到非非想，不
及西方歸去來。不我欺也。無六根贊嘆。世實量六。前喜而後
第五大願「隨喜功德」此四字扼要在德之一字。德作得釋，
即從功行上有心得也。凡人一生所作事，不自檢點，都糊塗
自了。急宜攝心仔細思之，從六根門頭參透，功過孰多，得
失孰多，較量過後，痛下警察悔改工夫始可。不爾，便從糊
塗生來，從糊塗死去，一生不明因果，忽略功德，從身口意
積成種種罪業，舉足動步，莫非是罪，伸口胡言，莫非是辜

，此之謂可憐愍者。所以菩薩隨喜而作功德。言其功德。功德分二種說：（一）世間法，爲有漏功德，如慈善事業造橋修路齋僧建寺等，慶悅贊嘆，不生煩惱是。（二）出世間法，爲無漏功德，了生脫死，廣修六度萬行是。

但世間功德爲有漏，出世功德爲無漏。倘能隨喜而修，以世間一切之因，同向無上菩提，亦可轉有漏爲無漏矣。是故遇諸公益事，有力則助力，無力則贊嘆。切實量力，隨喜而修，世上有何嫉妒，更有何爭鬥哉。有等顛倒凡夫，對諸功德，非唯不隨喜，且心生破壞，此因業障深重，當代念佛爲之

懺悔也。現今提倡淨土法門，亦是了生脫死功德，對善信者，從而策勵之，對未信者，從而稱揚之，亦為普賢菩薩隨喜之功德，所以隨喜淨土法門，稱揚彌陀功德。古德云，不用三祇修福慧，但將六字出乾坤。我能隨喜淨土功德，此即先德所謂見賢思齊者也。

第六大願「請轉法輪」凡夫肉眼，所見甚近，不能見遠，初見道位須陀洹，能斷三界八十八使見惑，僅見一四天下。二果修道位斯陀含，能斷欲界九品思中前六品盡，得見中千世界。三果修道位阿那含，能斷欲殘思盡，進斷上八地思，則

見大千世界。無學道位阿羅漢，能斷見思俱盡，始見三千大千世界。初地菩薩，能斷一品無明，則見百三千大千世界。乃至十地菩薩，能斷十品無明，則見千千萬三千大千世界。普賢位同等覺，則見十方世界。夫所見之眼界有差別，則所轉之法輪有不同也。說法如轉輪，不信佛法，心無主宰，胡思亂想，曷能去惡向善，轉凡成聖，作隨善功德哉。譬若穀然，入舂去壳。方成白米，米之潔白，雖本生成，然非輾轉，不能出見。吾佛說法，一句一句，皆從心中露出，大衆聞法，一句一句入耳，皆轉入心中，而成妙法矣。現時

釋迦已成佛，彌勒未降世，究從何請。卽山僧到此說法，因諸大居士之請，對大衆說十大願王，以了無邊生死之苦，我代佛說法，卽轉法輪也。諸大居士之請，卽請轉法輪也。大衆當深信無上清淨心，在聞法時，始顯然出現。爲來日隨喜而生功德，今日之請轉法輪，誠有無量之功德也。平、此與第七大願「請佛住世」凡夫徒執佛說涅槃經後，卽入滅，以爲佛已捨世，曷能請佛住世。不知請佛住世，卽請自己佛，是心作物，卽心卽佛也。夫衆生心淨，見佛常住，衆生心垢，見佛捨命，是故佛之常住與否，皆衆生心之淨染相應。吾

人若念念在佛，卽時時請佛住世，勤修六字，則淨念相繼，吾佛則當然顯見。

第八大願「常隨佛學」吾佛廣說法華，普度衆生，先覺也。衆生聞法，廣修佛事，以了生死，後覺也。凡夫若無普度大力量，當善治一家，家齊而後治國，國治而后天下平，此與孔聖大學之道亦相融合，爲入世法所不可缺焉。夫自利然後能利他，當誠心託佛，從因至果，引得心智，隨之而學，常常如在，始終不變，卽常隨佛學之大旨也。

第九大願「恆順衆生」此我佛利他行也，發大悲心，下菩提

種，以饒益有情，樂利衆生，常從恆順兩字下着手工夫。曠觀十法界，佛占其一，衆生占其九。地獄餓鬼畜生，皆因六根門頭，造業墮落，乃二惡道之衆生也；天道着樂，人道苦惱，脩羅瞋恚，乃三善道之衆生也；聲聞是自了衆生；緣覺是孤調衆生；菩薩是大道心衆生也。對此九界衆生，當嗟嘆之，憐愍之，饒益之，樂利之，成就之，以佛心廣修佛行，無一非佈施之事業，無一非恆順之心情。遇乞丐也，體其挨寒受餓，卽量力施財；遇臨殺之畜生也，悲其戀命怕死，卽實行買放。

蓋佛心卽大悲心也，爲菩提之根本，樹無根則枝葉不茂，心不悲則度生不切。一切衆生，是我福田，宜恆順之，至于家中父母兄弟，可不孝順愛敬乎。推言之，於社會因不順而肇爭端，於國家因不順而興兵禍，苟能人人順悅，則可享真正共和之幸福矣。

第十大願「普皆回向」此事最易明了，譬如我今日說法一句，是一念好心功德，作一好事，是一好事功德，卽非自己功德，要皆回向於大衆，回向可分三種。

(一)回自向他，凡作一切事，悉當回向盡虛空徧法界一切衆

生。同因向果，自己日日所念佛爲衆生同向極樂淨土。
(二)同因向果，自己日日所念佛爲衆生同向極樂淨土。
(三)同事向理，吾人將所作事，應行放下。經云，一切有爲法，如夢幻泡影。凡世出世間，一切諸事，皆是因緣所生之法。當體卽空卽假卽中，卽空是真諦，卽假是俗諦，卽中是中諦，總之所作功德，卽非功德。昔達摩見梁武帝，帝問以朕所作萬事，究竟有何功德。師曰，無。帝該然，自念一生造寺四百八十，齋僧無算，何以無功德。師曰，是爲有漏功德。帝曰，何謂無漏功德。師曰，淨智妙圓，體自空寂，周

徧法界，是爲無漏功德。所以帝淨智自事，是無功德，是故大衆念佛，或隨善功德，恆順衆生皆應回向法界。但貧僧深痛女衆，恆以念佛作幽冥路上錘鏹，是由一念貧心便爲生死根本，深爲可愍者。當知念佛首重了生脫死，求生西方，爲此生最難得之事。古德云，得人身如掌上土，失人身如大地土，正與人身難得佛法難聞之意符合。深願大衆當速悔改，切勿以念佛作金錢想。以上說普賢菩薩十大願王竟，是導華嚴海衆，歸到極樂。今大衆既明了透澈，我且以普賢行願，爲我行願，卽以禮敬諸佛回向，以稱讚如來回向，以廣修供

養回向，以懺悔業障回向，以隨喜功德回向，以請轉法輪回向，以請佛住世回向，以常隨佛學回向，以恆順衆生回向，是爲普皆回向。回向是一件極緊要事，所作功德，無論巨細，乃至一毫之善，一塵之福，皆可回向西方，莊嚴淨土。譬如投少水於大海之中，量卽同海，所以爲一己所積功德，其功有限，若回向於法界衆生，則其德卽無邊際，是爲回自向他也。若將所作功德，如念佛、持咒、禮拜、誦經，及一切慈善功德，均可回向西方，與一切衆生，同成佛道，卽是因向果也。須知所作善事，無論世間出世間，若大若小，一

一無非因緣所生，即空假中三諦之理，所謂全理成事，全事即理。故一一事，不須着相，自然理事圓融，理既豎窮橫徧，事亦如之，故須回事向理也。

世有別處若回向故去果之

或對空亦於大無之中

之八至一毫之專，一專之

長為普皆回向。回向

向。以普皆回向。回向

意回向。以普皆回向。回向



溫州府圖書館

温州市图书馆

042.1
3037

00756